

Broj:977/26

Datum:31.08.2026. godine

Na osnovu člana 70. i 89. stav 1. Zakona o javnim nabavkama Bosne i Hercegovine (Službeni list BiH, broj 39/14, 59/22 i 50/24), preporuke Komisije za javne nabavke br. KJN-949/26 od 14.08.2026. godine direktor JU „Centar za kulturu i turizam“ Cazin donosi slijedeću:

## **ODLUKU O DODJELI UGOVORA ZA NABAVKU ROBA – Nabavka stalaži za Gradsku biblioteku**

### **I**

S obzirom da ponuda ponuđača **DEFTER DOO SARAJEVO** ispunjava zahtjeve ugovornog organa, imenovanom ponuđaču se dodjeljuje Ugovor o javnoj nabavci - **Nabavka stalaži za Gradsku biblioteku**.

Po okončanju roka za žalbu, ugovorni organ će pozvati izabranog ponuđača radi zaključenja ugovora u roku koji je propisan članom 98. stav 4. Zakonom o javnim nabavkama kojim će se regulisati međusobna prava i obaveze vezane za predmetnu nabavku, shodno zahtjevima – uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

### **II**

Ugovorni organ će istovremeno ovom Odlukom obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama.

### **Obrazloženje**

JU „Centar za kulturu i turizam“ Cazin je pokrenula postupak: **Nabavka stalaži za Gradsku biblioteku** putem provođenja postupka Konkurentskog zahtjeva za dostavu ponuda objavljenom na portalu javnih nabavki, obavještenje broj: 2577-7-1-240-3-21/26 od 12.06.2026. godine.

Analizom ponuda pristiglih za **Nabavka stalaži za Gradsku biblioteku**, te primjenom kriterija vrednovanja ponuda „najniža cijena tehnički zadovoljavajuće ponude“, Komisija za javne nabavke je zapisnikom br. KJN-949/26 od 14.08.2026. godine, utvrdila da je u roku za dostavu ponuda pristiglo 6 (šest) ponuda:

- **INTER-COM DOO ZENICA,**
- **DEFTER DOO SARAJEVO,**
- **KENDIĆ FENSTER DOO VELIKA KLADUŠA,**
- **STOLARIJA KENDIĆ VELIKA KLADUŠA,**
- **KABAS DOO SARAJEVO,**
- **GO NAMJEŠTAJ MESIĆ CAZIN.**

Komisija je utvrdila da nije bilo neblagovremenih ponuda, niti odbačenih ponuda.

Ponuđači su dostavili original i kopiju ponude, kako je traženo tenderskom dokumentacijom. Ponude su pravilno numerisane i uvezane, kako je zahtjevano tenderskom dokumentacijom.

Nakon završenog ispitivanja da li su ponude dostavljene u skladu sa zahtjevima ugovornog organa, Komisija je pristupila ocjeni cijene ponuda i utvrdila slijedeće stanje:

1. **INTER-COM DOO ZENICA** sa ukupnom ponuđenom cijenom u iznosu od 8.000,00 KM bez PDV-a;
2. **DEFTER DOO SARAJEVO** sa ukupnom ponuđenom cijenom u iznosu od 9.964,00 KM bez PDV-a;
3. **KENDIĆ FENSTER DOO VELIKA KLADUŠA** sa ukupnom ponuđenom cijenom u iznosu od 9.580,00 KM bez PDV-a;
4. **STOLARIJA KENDIĆ DOO VELIKA KLADUŠA** sa ukupnom ponuđenom cijenom u iznosu od 9.940,00 KM bez PDV-a;
5. **KABAS DOO SARAJEVO** sa ukupnom ponuđenom cijenom u iznosu od 9.995,00 KM bez PDV-a;
6. **GO NAMJEŠTAJ MESIĆ CAZIN** sa ukupnom ponuđenom cijenom u iznosu od 9.850,00 KM bez PDV-a.

Utvrđeno je da ponuđene cijene ne prelaze procijenjenu vrijednost nabavke od 10.000,00 KM bez PDV-a.

Svi ponuđači su dostavili kvalifikacijsku dokumentaciju i dokaze tražene tenderskom dokumentacijom, s kojom dokazuju ispunjavanje minimalnih traženih uslova iz tenderske dokumentacije.

Utvrđeno je da sve dostavljene ponude ispunjavaju formalno pravne i tehničke zahtjeve ugovornog organa, pa kao takve mogu biti predmet daljeg vrednovanja.

Kako je u postupku za **Nabavka stalaži za Gradsku biblioteku** predviđena e-Aukcija, ista je zakazana za 29.06.2026. godine, te su na nju pozvani svi ponuđači sa prihvatljivim ponudama.

Rang lista prihvatljivih ponuda prije održavanja e-aukcije je kako slijedi:

| RED. BROJ | NAZIV PONUĐAČA                      | UKUPNI IZNOS PONUDE    |
|-----------|-------------------------------------|------------------------|
| 1.        | INTER-COM DOO ZENICA                | 8.000,00 KM(bez PDV-a) |
| 2.        | KENDIĆ FENSTER DOO VELIKA KLADUŠA   | 9.580,00 KM(bez PDV-a) |
| 3.        | GO NAMJEŠTAJ MESIĆ CAZIN            | 9.850,00 KM(bez PDV-a) |
| 4.        | STOLARIJA KENDIĆ DOO VELIKA KLADUŠA | 9.940,00 KM(bez PDV-a) |
| 5.        | DEFTER DOO SARAJEVO                 | 9.964,00 KM(bez PDV-a) |
| 6.        | KABAS DOO SARAJEVO                  | 9.995,00 KM(bez PDV-a) |

E-Aukcija je održana dana 29.06.2026. godine sa početkom u 12:00 sati i trajala je do 12:16 sati.



Nakon održane e-aukcije utvrđena je slijedeća rang lista prihvatljivih ponuda:

| RED. BROJ | NAZIV PONUĐAČA                             | UKUPNI IZNOS PONUDE            |
|-----------|--------------------------------------------|--------------------------------|
| 1.        | <b>STOLARIJA KENDIĆ DOO VELIKA KLADUŠA</b> | <b>2.928,00 KM (bez PDV-a)</b> |
| 2.        | <b>GO NAMJEŠTAJ MESIĆ CAZIN</b>            | <b>2.929,00 KM (bez PDV-a)</b> |
| 3.        | <b>DEFTER DOO SARAJEVO</b>                 | <b>4.957,00 KM (bez PDV-a)</b> |
| 4.        | <b>KENDIĆ FENSTER DOO VELIKA KLADUŠA</b>   | <b>6.112,00 KM (bez PDV-a)</b> |
| 5.        | <b>INTER-COM DOO ZENICA</b>                | <b>8.000,00 KM (bez PDV-a)</b> |
| 6.        | <b>KABAS DOO SARAJEVO</b>                  | <b>9.995,00 KM (bez PDV-a)</b> |

Nakon završene e-Aukcije Komisija je utvrdila u skladu sa članom 66. Zakona o javnim nabavkama, članom 17. stav (7) Uputstva za pripremu modela tenderske dokumentacije i ponuda i odredbama tačke 5.3.3 Tenderske dokumentacije .te je ugovorni organ obavezan od ponuđača tražiti pisano obrazloženje neprirodno niske cijene kod:

1. Ponuđača **STOLARIJA KENDIĆ DOO VELIKA KLADUŠA**, čija je ponuda od 2.928,00 KM za više od 50% niža od prosječne cijene preostalih prihvatljivih ponuda.  
Ugovorni organ je uputio zahtjev za dostavom pisanog objašnjenja ponuđene cijene ponuđaču **STOLARIJA KENDIĆ DOO VELIKA KLADUŠA**, koji je odbio dostaviti traženo pojašnjenje.  
U skladu sa članom 66. Zakona o javnim nabavkama, tačke 5.3.1 Tenderske dokumentacije ugovorni organ je odbacio ponudu ponuđača **STOLARIJA KENDIĆ DOO VELIKA KLADUŠA**.
2. Ponuđača **GO NAMJEŠTAJ MESIĆ CAZIN**, čija je ponuda od 2.929,00 KM za više od 50% niža od prosječne cijene preostalih prihvatljivih ponuda.  
Ugovorni organ je uputio zahtjev za dostavom pisanog objašnjenja ponuđene cijene ponuđaču **GO NAMJEŠTAJ MESIĆ CAZIN**, koji je u ostavljenom roku nije dostavio traženo pismeno objašnjenje.  
U skladu sa članom 66. Zakona o javnim nabavkama, tačke 5.3.1 Tenderske dokumentacije ugovorni organ je odbacio ponudu ponuđača **GO NAMJEŠTAJ MESIĆ CAZIN**.

Komisija je dalje ocijenila da je ponuda ponuđača **DEFTER DOO SARAJEVO** u visini od 4.957,00 KM neprirodno niska u odnosu na procijenjenu vrijednost nabavke i ostale prihvatljive ponude, te je od ponuđača **DEFTER DOO SARAJEVO** zatražila da dostavi pisano obrazloženje ponuđene cijene. Ponuđač je u ostavljenom roku dostavio pisano obrazloženje za koje je komisija ocijenila da opravdava ponuđenu cijenu.

Komisija je utvrdila konačnu rang listu prihvatljivih ponuda:

| RED. BROJ | NAZIV PONUĐAČA                    | UKUPNI IZNOS PONUDE     |
|-----------|-----------------------------------|-------------------------|
| 1.        | DEFTER DOO SARAJEVO               | 4.957,00 KM (bez PDV-a) |
| 2.        | KENDIĆ FENSTER DOO VELIKA KLADUŠA | 6.112,00 KM (bez PDV-a) |
| 3.        | INTER-COM DOO ZENICA              | 8.000,00 KM (bez PDV-a) |
| 4.        | KABAS DOO SARAJEVO                | 9.995,00 KM (bez PDV-a) |

Uzimajući u obzir sve prethodno navedeno, Komisija je dala preporuku da se zaključi ugovor sa ponuđačem **DEFTER DOO SARAJEVO** obzirom da ispunjava sve uslove tražene tenderskom dokumentacijom, te je njegova ponuda 4.957,00 KM bez PDV-a, ocijenjena kao najpovoljnija primjenom kriterija najniže cijene.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu pristiglih ponuda, shodno kriterijima iz Tenderske dokumentacije. U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom za: **Nabavka stalaži za Gradsku biblioteku.**

Cijeneći navedeno, odlučeno je kao u dispozitivu.

#### Pouka o pravnom lijeku:

Svaki ponuđač koji smatra da je ugovorni organ u toku konkretnog postupka kod izbora najpovoljnijeg ponuđača prekršio odredbe Zakona o javnim nabavkama i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana zaprimanja odluke o izboru najpovoljnijeg ponuđača. Žalba se podnosi ugovornom organu kao prvestepenoj instanci u žalbenom postupku.

Dostavljeno:

- Svim učesnicima postupka nabavke
- Komisiji za javne nabavke
- a/a



DIREKTOR:

Sulejman Samardžić, BA